

Sakspapir

Sakshandsamar	Arkiv	ArkivsakID
Oddvin Arne Neset	FE-033	23/998

Saknr	Utval	Type	Dato
007/2023	Råd for menneske med nedsett funksjonsevne	PS	14.11.2023

Uttale til årsbudsjett 2024 og økonomiplan 2024-2027

Vedlegg:

Journalposttittel

Saksframlegg tril kommunestyret sitt møte den 26.10.2023 - sak 073-2023
Rådmannen sitt forslag til årsbudsjett 2024 og økonomiplan 2024 - 2027

Dato

06.11.2023
06.11.2023

Rådmannen sitt framlegg til vedtak:

Rådmannen legg budsjettframlegget fram til drøfting.

Saksopplysningar:

Bakgrunn og fakta:

Det avtroppande kommunestyret har i sak 073/2023 i møte den 26.10.23 handsama årsbudsjettet for 2024 og økonomiplan for perioden 2024 – 2027. Den vidare prosessen er at det nye formannskapet skal handsama budsjettet i planlagt møte den 16.november, og deretter vert budsjettet lagt ut til gjennomsyn, før slutthandsaming i formannskapet den 4. desember og i kommunestyret den 14. desember.

Kommunestyret gjorde følgjande samrøystes vedtak i møte den 26.10.23 :

«Driftsbudsjett 2024 og økonomiplan 2024-2027 vert fastsett slik det er lagt fram i rådmannen sitt forslag til årsbudsjett og økonomiplan, og i samsvar med bevillingsoversyn drift jf. pkt. 9.2.

Investeringsbudsjett 2024 vert fastsett slik det er lagt fram i rådmannen sitt forslag til årsbudsjett og økonomiplan, og i samsvar med bevillingsoversyn investering jf. pkt. 9.3.

Kommunestyret godkjenner opptak av nye lån på inntil kr 6.333.000 for finansiering av investeringsprosjekt i 2024.

Masfjorden kommune tek opp i tillegg inntil kr 6.000.000 i lån frå Husbanken i 2024 til vidareutlån som startlån i samsvar med Husbanken sine retningslinjer.

Satsar for kommunale avgifter og gebyr vert fastsett slik det kjem fram i pkt. 7 i rådmannen sitt forslag til årsbudsjett og økonomiplan.

For eigedomsskatteåret 2024 skal det skrivast ut eigedomsskatt på næringseigedom, kraftverk, vindkraftverk, kraftnettet og anlegg omfatta av særskattereglane for petroleum, jf.

eigedomsskattelova § 3 første ledd bokstav d. Den alminnelege skattesatsen for eigedomsskatt i skatteåret 2024 er 7 promille, jf. eigedomsskattelova § 11 første ledd.

Det skal kostnadsreknast kva det vil utgjere at søskenmoderasjon vert 50 % for barn 3 i kulturskulen.

Kostnaden for dekke på sentralidrettsbana på Hosteland på 3,5 mill vart lagt inn i økonomiplan, jf sak 096/2023. Det vert lagt inn ein tekstdel i økonomiplanen om at det skal settast av pengar til fleirbrukshall i perioden, jf sak 096/2023.»

Både sjølve saksframlegget til kommunestyret og budsjettokumentet vert lagt ved denne saka.

Vurdering

Råd for funksjonshemma vert her oppfordra til å vurdere vedlagte budsjettframlegg, og eventuelt peika på saker eller temaområde som rådet meiner er viktige å ivareta i den vidare budsjettprosessen. Uttalen frå rådet vil følge med vidare i budsjett- og økonomiplanprosessen fram mot kommunestyret i desember.

Konklusjon

Rådmannen rår til at råd for funksjonshemma drøftar framlegget og kjem med uttale som vil følge den vidare politiske handsaminga av budsjettet for 2024 og økonomiplan for 2024 – 2027.

Råd for menneske med nedsett funksjonsevne - 007/2023

RMNF - behandling:

RMNF - vedtak:

Råd for menneske med nedsett funksjonsevne tek framlegget til årsbudsjett 2024 og økonomiplan 2024-2027 til orientering. Rådet har ikkje merknader til budsjettframlegget.

